

Imaa

Kalaallit Nunaata avataani soraarnerussutisiaqarnissanut aaqqissuussinernik siuartitanik akileraarusiineq	5
Tapiissuteqartarneq pillugu paasissutissiineq	6
Aningaasaqarnermut sulisoqarnermullu aqutsisoqarfimmiit akissarsiat allagartaat tunngavigalugit tapiissutit naatsorsornerinut ilitsersuut	7
Soraarnerussutisiaqarnissamut aaqqissuussinermut pinngitsoorani ilaanissaq	9
Akiligassat nalingi aamma ileqqaarnissamut tunngaviusut	10
Akissarsianit isertitanik aamma namminersortutut inuussutissarsiorluni ingerlataqarnermit sinneqartoorutitik ileqqaarnissamut tunngavigineqarpata akiligassat nalingi.	11
Isertitat ileqqaarnissamut tunngavigisanut ilaanngitsut	11
Pinngitsoorani soraarnerussutisiaqarneq	13
Kalaallit Nunaata aamma Danmarkip akornanni marloriaammik akileraartitsinissaq pinngitsoorniarlugu isumaqatigiissut	15
Danmarkimi soraarninngorsimavutit, kisiannili soraarnerussutisiassavit ilai Kalaallit Nunaanni ileqqaarsimallugit	15
Kalaallit Nunaanni soraarninngorsimavutit, kisiannili soraarnerussutisiavit ilai Danmarkimi ileqqaarsimallugit	15
Danmarkimi soraarninngorsimavutit, kisiannili soraarnerussutisiavit tamaasa Kalaallit Nunaanni ileqqaarsimallugit	16
Kalaallit Nunaanni soraarninngorsimavutit, kisiannili soraarnerussutisiavit tamaasa Danmarkimi ileqqaarsimallugit	16
Aningaasat akileraaruserneqarsimasut atorlugit soraarnerussutisianut akiliinerit immikkut pillugit	16
Kalaallit Nunaata avataani soraarnerussutisiaqarnissamut aaqqissuussinernut siuartitamik akileraaruserneqarsimasunut apeqqutit apeqqutigineqakulasut	17
Akissarsiat annikinnerusut tigussavakka?	17
Siuartitamik akileraartarnerup eqqunneqarnerata siornaneersut soraarnerussutisianut Kalaallit Nunaata avataaneersunut akiliutit tigusarnerillu qanoq pineqassappat?	17
Kalaallit Nunaata avataani soraarnerussutisiaqarnissamut maannakkut aaqqissuussanni qanoq pisoqassava?	18
Sillimasiisimanerit, soraarnerussutisiaqarnissamut aaqqissuussinernut atasut tiguneqarnerini akileraarusigaanngillat?	18
Soraarnerussutisiaqarnissamut aaqqissuussinermut pinngitsoorani ilaanissamut apeqqutit apeqqutigineqakulasut	20
Sooruna soraarnerussutisiaqarnissamut aaqqissuussinermik peqartariaqartunga?	20

Soraarnerussutisiaqarnissamut aqqissuussinermut akilersuiuaannassaanga?.....	20
Tjenestemandit soraarnerussutisiaat aamma soraarnerussutisiaqarnissamut aqqissuussinermut pinngitsoorani ilaanissaq pillugu malittarisassanut ilaappat?.....	20
Soraarnerussutisiaqarnissamut aqqissuussinermut akilersuisaruma soraarnerussutisiaqarnissamut aqqissuussinermut nutaatut pilersitsinissaq pillugu piumasaqaammut ilaavunga?.....	21
Kalaallit Nunaata avataani soraarnerussutisiaqarnissamut aqqissuussinermut akiliuteqartaruma soraarnerussutisiaqarnissamut aqqissuussinermut pinngitsoorani ilaanissaq pillugu piumasaqaatit naammassisinnaavakka?	21
Ilanngaatit qanoq eqqarsaatigineqarpat, aamma taamatut ilanngaateqarsinnaavunga?.....	21
Akilerartarnermut Aqutsisoqarfiup Pinngitsoorani Soraarnerussutisiassanik uannut pilersitsinissaa sioqqullugu aningaasat amigaataasut nammineq akilernissaannut periarfissaqarpunga?	22
Akiliuteqartarnissamut piumasaqaatit eqqortinngikkukkit procenti akilerartutissaq qanoq annertutigisumik qaffanneqassava?.....	22
Taavami Kalaallit Nunaat qimallugu nuukkuma?	22

Soraarnerussutisiat pillugit innuttaasunut paasissutissiineq

Akilararutinit soraarnerussutisianullu tunngasut immikkut malittarisassat suleriaatsillu maani atuarsinnaavasi.

Kalaallit Nunaanni soraarnerussutisiaqarnissamut aqqissuussinernut akiliiguit

Kalaallit Nunaannut tamakkiisumik akileraartartut tunngaviatigut soraarnerussutisiaqarnissamut aqqissuussinernut Kalaallit Nunaanni inissisimasunut amerlanernut akiliutitit tunngaviatigut akileraartarnikkut ilanngaatisinnaavatit tiguneqarnerili akilararuteqaataassallutik.

Akiliininnut atatillugu akiliutinnit akilararuteqassanngilatit. Ulluinnarni akiliinerit taamatut ittut ilanngaatigineqarsinnaatitaasut imaluunniit akilaraartussaanninneq ulluinnarni taasarpagut.

Soraarnerussutisiaqarnissamut aqqissuussinerni nammineq inuttut pilersissimasanni, akilaraartussaanninneq tassaavoq akiliutigisimasannik ilanngaateqarsinnaatitaagavit. Tamanna isumaqarpoq aningaasarsiatit akilararuteqaataasussat naatsorsulerukkit akiliutigisimasat ilanngaatisinnaagakkit. Maluginiassavat akiliutigisimasannut taakkununga ilanngaat akilararuteqaataasussanit ilanngaataamat taakkulu akilararuteqaataasussanit ilanngaatit allat ilanngullugit nalilissavat ilanngaat aalajangersimasoq imaluunniit akilararuteqaataasussanit ilanngaatit tamarmiusut nalingat arlaat atorniarnelugu.

Soraarnerussutisiaqarnissamut aqqissuussinerni, atorfeqarnermut atatillugu pilersinneqarsimasuni akilaraartussaanninneq tassaavoq sulisitsisup akiliutaa akilararuteqaataassanngimmat. Tamanna isumaqarpoq aningaasarsiatit akilararuteqaataasussat naatsorsorneqarneranni akiliutigisimasat ilanngutissanngikkittit. Tassani soraarnerussutisiaqarnissamut aqqissuussinernut sulisitsisup akiliutai illillu nammineq akiliutitit pineqarput.

Kalaallit Nunaata avataani soraarnerussutisiaqarnissamut aqqissuussinernut akiliuteqaruit

Kalaallit Nunaanni tamakkiisumik akilaraartussaataasut soraarnerussutisiaqarnissamut aqqissuussinernut Kalaallit Nunaata avataani inissisimasunut akiliutinnit tunngaviatigut akilaraartussaataavutit. Maluginiassavalli ATP-imut aamma tjenestemandit soraarnerussutisiaqarnissamut aqqissuussinernut nammineq akiliutitit sulisitsisullu akiliutai sulii ilanngaatisinnaagakkit.

Soraarnerussutisiaqarnissamut aqqissuussineq nammineq pilersissimanerit imaluunniit atorfeqarnermut atatillugu pilersinneqarsimanersoq assigiinngissuseqarput.

Soraarnerussutisiaqarnissamut aqqissuussinernut nammineq pilersissimasannut akiliuteqaruit tamanna aningaasanit akilararuteqaataareersunik akiliineruvoq taamaattumillu akiliisoqaqqissanani.

Akissarsiannut atatillugu sulisitsisut soraarnerussutisiaqarnissamut aqqissuussinernut akiliuteqartarpat, akissarsiavit tunniutinnginnerani sulisitsisuppit akilararuteqarnissat isumagissavaa.

Soraarnerussutisiatit Kalaallit Nunaanni aaqqissuussinerniit tiguneqarpata

Soraarnerussutisiaqarnissamut aaqqissuussinernut nammineq akiliutinnut sulisitsisullu akiliutaanut ilanngateqarsimaguit soraarnerussutisiat tiguneqarneranni aningaasarsianit akileraarummik akiliissaatit.

Soraarnerussutisiatit Kalaallit Nunaata avataani aaqqissuussinerniit tiguneqarpata

Akiliutigisimasanniit ilanngateqarsimanallu aamma sulisitsisup akiliutai ilanngaatisimanagit uppersarsinnaagukku, soraarnerussutisiaqarnissamut aaqqissuussinernit amerlanerniit tigusatit tunngaviusumik akileraaruteqaataassanngillat.

Kalaallit Nunaata avataani soraarnerussutisiaqarnissamut aqqissuussinernik siuartitamik akileraarusiineq

Siuartitamik akileraarusiinermi soraarnerussutisiaqarnissamut aqqissuussinernut Kalaallit Nunaata avataani inissisimasunut akiliuteqarnermi ilanngaateqarsinnaatitaaneq sulisitsisullu akiliutaanik ilanngaateqarsinnaatitaaneq atorunnaarsinneqartarput. ATP-mut aamma tjestemandit soraarnerussutisiaqarnissaannut akiliuteqarnermi ilanngaateqarsinnaatitaaneq sulisitsisullu akiliutaanik ilanngaateqarsinnaatitaaneq allanngoratik ingerlaannassapput.

Kalaallit Nunaata avataani soraarnerussutisiaqarnissamut aqqissuussinernut akiliutit, tassunga ilanngullugit danskit savalimmiullu, siunissami aningaasarsiat akileraaruteqaataasussat naatsorsorneqarneranni nalinginnaasumik ilanngunneqartalissapput. Kalaallit Nunaanni akileraarutit atuuttut nalingi atorlugit akileraaruserneqassaatit.

Soraarnerussutisiaqarnissamut aqqissuussinermit taamatut ittumiik inuuninni kingusinnerusukku soraarnerussutisiatit tigugukkit tunngaviatigut akileraaruteqartassanngilatit. Marloraammik akileraartitsinissaq pinngitsoorniarlugu Kalaallit Nunaata Danmarkimik isumaqatigiisutaa pillugu immikkoortoq takujuk.

Soraarnerussutisiaqarnissamut aqqissuussinernut Kalaallit Nunaata avataani inissisimasunut akileraarusiineq siuartitaq ukunani allannguuteqassanngilaq:

- Kalaallit Nunaanni soraarnerussutisiaqarnissamut neqerooruteqartunut akiliutit.
- Tjestemandit soraarnerussutisiassaannut akiliutit.
- ATP-imut akiliutit.

Kalaallit Nunaata avataani soraarnerussutisiaqarnissamut aqqissuussinernut siuartitamik akileraarusiineq soraarnerussutisiavit qaffasinnerusumik akileraaruserneqarnissaannik kinguneqassanngilaq – aamma tunngaviatigut marloraammik akileraaruteqassanngilatit.

Kalaallit Nunaata avataani soraarnerussutisiaqarnissamut aqqissuussinernut siuartitamik akileraarusiineq isumaqarpoq soraarnerussutisianik siuartitamik akileraarusiineq piffissamut akiliiffiusumut siuartinneqartoq. Paarlattuanik soraarnerussutisiannik tigusinerit tunngaviatigut Kalaallit Nunaanni akileraaruteqaataassanngilaq. Taamaalillutit tunngaviatigut aningaasanit taakkuninnga marloriarlutit akileraaruserneqassanngilatit.

Tapiissuteqartarney pillugu paasissutissiineq

Tapiissuteqartarnermik aaqqissuussineq piffissami 2017-miit – 2021-imut atuutissaaq. Tapiissutit aningaasarsiatut A-tut akileraaruserneqartassapput. Tapiissutitut piumasaqaatinik ataani allassimasunik inunnut naammassinnittunut taamaallaat tunniunneqarsinnaapput:

- Kipitinneqanngitsumik tamakkiisumik 31. december 2016-imili Kalaallit Nunaannut akileraartussaataasut.
- Kalaallit Nunaata avataani soraarnerussutisiaqarnissamut aaqqissuussinermut 2016-imi ilanngaatigineqarsinnaasumik imalt. sulisitsisup akiliutaanik ilanngaatigineqarsinnaasumik akiliuteqarsimasut.
- Soraarnerussutisiaqarnissamut aaqqissuussinernut qulaani taaneqartunut suli akiliuteqartartoq.

Inuit piumasaqaatinik naammassinnittut ukiuni 2017-miit - 2021-imut nunani allani soraarnerussutisiaqarnissamut aaqqissuussinernut uppersarsarneqarsinnaasumik akiliuteqarsimaneq tungavigalugu tapiissutitut pissarsinnaatitaapput. Tapiissutitut tassaapput:

- 2017-imiit - 2019-imut akileraaruteqannginnermi soraarnerussutisiaqarnissamut aaqqissuussinernut akiliutit 5 procentii. Taamaattorli qaammammut ataatsimut annerpaamik 420 kr.-it.
- 2020-imiit - 2021-imut akileraaruteqannginnermi soraarnerussutisiaqarnissamut aaqqissuussinernut akiliutit 3 procentii. Taamaattorli qaammammut ataatsimut annerpaamik 250 kr.-it.

Namminersortuni atorfillit aamma inuit namminerisaminnik soraarnerussutisiaqarnissamut aaqqissuussaqartut 2017-imut tungatillugu soraarnerussutisiassanut akiliutinut tapiissutitut siusinnerpaamik 2018-imi qaammatit pingasukkaat pingajuanni qinnuteqarsinnaapput.

Qinnuteqarsinnaaneq pillugu Akileraartarnermut Aqutsisoqarfik erseqqinnerusumik paasissutissiissaaq.

Namminersortutik Oqartussani, taassuma ataani suliffeqarfanni (tassunga ilanngullugit suliffeqarfiit namminersortitat, Nukissiorfiit, Mittarfeqarfiit aamma Asiaq) kiisalu kommunini atorfeqartunut tapiissutitut 2017-imi kingornalu nalinginnaasumik akissarsitsisnermut atatillugu soraarnerussutisiaqarnissamut aaqqissuussinernut ingerlaannartumik akileraaruserneqartassapput.

Aningaasaqarnermut sulisoqarnermullu aqutsisoqarfimmiit akissarsiat allagartaat tunngavigalugit tapiissutit naatsorsornerinut ilitsersuut

Sulisitsisut assigiinngitsut akissarsianut allagartat assigiinngitsut atortarpaat. Akissarsiat allagartaat taamaattumik sulisitsisumiiit sulisitsisumut allanngorarsinnaapput. Ilitsersuut una Aningaasaqarnermut sulisoqarnermullu aqutsisoqarfimmiit akissarsiortup akissarsiaata allagartaanik tunngaveqarpoq.

Tapiissutit aningaasarsiatut A-tut akileraaruteqaataasussaapput. Taamaattumik sulisitsisoq tapiissutininut akileraaruteqaataasussanik unerartitsinissamut pisussaataavaoq. Taamaattumik soraarnerussutisiaqarnissannut akiliutinnut tapiissutit akileraarutit ilanngaatigineqareerpata aatsaat naatsorsorsinnaavatit.

Tapiissutit akissarsiat allagartaannit toqqaannartumik takusinnaangilatit. Ilitsersuutip matuma akissarsiat allagartaat aallaavigalugit ilinnut tapiissutit qanoq pisariunngitsumik naatsorsorsinnaaneritit takutippaa.

Aningaasaqarnermut sulisoqarnermullu aqutsisoqarfimmiit akissarsiat allagartaat ataaniittoq takusinnaavat. Akissarsiat allagartaata takutippaa:

1. Akissarsiat (32.673,56 kr.)
2. Tapit soraarnerussutisiaqaataasut (7.162,67 kr.)
3. Nammineq soraarnerussutisiaqarnissamut akiliutit akileraarutit ilanngaatigereerlugit (1.155,25 kr.)
4. Sulisitsisup soraarnerussutisiaqarnissamut akiliutit akileraarutit ilanngaatigereerlugit (2.310,50 kr.)
5. Soraarnerussutisiaqarnissamut peqatigiiffimmut akiliutit (3.639,04 kr.)

Imatut naatsorsuinikkut akissarsiat allagartaanni ilinnut tapiissutit nassaarisinnaavatit. Naatsorsuinerit immikkoortunut sisamanut avinneqarput.

- (1) Siullermik akissarsiannit tapiissutiniillu soraarnerussutisiaqarnissamut akiliutit qanoq annertutigineri naatsorsussavatit. Isumaqtigiissutit apeqqutaatillugit taanna allanngorassaaq. Akissarsiat allagartaanni ataaniittumi akissarsiannit tapiissutiniillu soraarnerussutisiaqarnissamut akiliutit 15 %-iupput. Soraarnerussutisiaqarnissamut akiliutit nassaariniallugu siullermik akissarsiat tapisiallu 100-mik agguassavatit ($39.836,23 \text{ kr.}/100 = 398,3623 \text{ kr.}$). Tulliullugu 15 %-it pissarsiariniarlugit 15-imik gangerlugu ($(39.836,23/100)*15 = 5.975,43 \text{ kr.}$). Inerpera tassaavoq 5.975,43 kr.
- (2) Maannakkut akileraaruteqartinnak soraarnerussutisiaqarnissamut akiliutit pissarsiaarat. Akileraarutit soraarnerussutisiaqarnissamut akiliutinniit suli ilanngaatigineqanngillat. Naatsorsuineri tulluittumi taamaaliussaavatit. Akissarsiaavit allagartaanni akileraarutit procentiat 42 % allassimavoq. Siullermisut soraarnerussutisiaqarnissamut akiliutit 100-mik agguassavat ($5.975,43/100 = 59,7543 \text{ kr.}$). Taavalu 42-mik gangerlugu ($59,7543 * 42 = 2.509,68 \text{ kr.}$). Aningaasat takutippaat soraarnerussutisiaqarnissamut akiliutitit 2.509,68 kr.-inik akileraaruserneqarsimasut. Aningaasat taakku akileraaruteqartinnak soraarnerussutisiaqarnissamut akiliutinniit

ilanngaatigissavatit ($5.975,43 - 2.509,68 = 3.465,75$ kr.). Maannakkut akileraarutit akilereernerisigut soraarnerussutisiaqarnissamut akiliutit takusinnaalerpatit, tassaasut 3.465,75 kr.

- (3) Naggataatigut akileraarutit akilereernerisigut soraarnerussutisiaqarnissamut akiliutit akissarsiaavit allagartaanni aappaluttumik nalunaaqutsersimasumut aningaasanut assersuutissavatit, taannalu **soraarnerussutisiaqarnissamut peqatigiiffimmut akiliutigineqartuni** takusinnaavat. Tassani aningaasat takusinnaavat 3.639,04 kr.-iusut. Aatsaannguaq naatsorsukkatsinnit 3.465,75 kr.-init akileraarutit akilinnginnerini soraarnerussutisiaqarnissamut akiliutinit aningaasat erseqqissumik qaffasinnerupput. Tamatumunnga pissutaavoq tapiissutit soraarnerussutisiaqarnissamut peqatigiiffimmut akiliutinit tamarmiusunut ilanngunneqarsimmata. Tapiissut nassaariarlugu aningaasat taakku marluk ilanngaatigikkit ($3.639,04 - 3.465,75 = 173,29$ kr.). Akileraarutit akilereernerisigut soraarnerussutisiaqarnissamut akiliutit **soraarnerussutisiaqarnissamut peqatigiiffimmut akiliutigineqartuni** aningaasat ilanngaatiginerisigut akissarsiat allagartaanni akileraarutit akilereerlugit ilinnut tapiissutit 173,29 kr.-it maannakkut nassaaraatit.
- (4) Akileraarutit akilinnginnerini tapiissutisiatit naatsorsorniarukkit imatut iliussaait. Akileraarutit akilereernerisigut tapiissutini 173,29 kr.-ini akileraarutit 42 %-it ilanngaatigineqarsimasut nalunngilarput. Tassa imaappoq 173,29 kr.-it tassaapput tapiissutinit 58 %-iusut ($100 - 42 = 58$). Taava 173,29 kr.-it 58-imik agguarutsigu 1 %-ip qanoq annertutiginera nassaarissavarput. Tapiissutit 100 %-ii gangeruk – imaluunniit akileraarutit akilinnginnerini tapiissutit tamaasa pissarsiariniarlugit taanna maannakkut 100 %-imik ($(173,29/58)*100 = 298,77$ kr.). Akileraarutit akilinnginneranni tapiissutit taamaalillutik 298,77 kr.-iupput. Tamanna eqqortuunersoq misissorsinnaavarput, tassa tapiissutit soraarnerussutisianut akiliutit 5 %-iannik annertussuseqassasut nalunnginnatsigu. Siusinnerusukkut akileraarutit akilinnginnerini soraarnerussutisiaqarnissamut akiliutit 5.975,43 kr.-inut naatsorsorpavut. Maannakkut akileraarutit akilinnginnerini soraarnerussutisiaqarnissamut akiliutit takusinnaavavut 5 %-ilu naatsorsoraanni taava 298,77 kr.-it pissarsiarissavavut ($(5.975,43/100)*5 = 298,77$ kr.).

Qulaani naatsorsueriaatsimi Aningaasaqarnermut Sulisoqarnermullu Aqutsisoqarfimmiit akissarsiat allagartaat tunngavigineqarput. Naatsorsueriaaserli pisortanit akissarsiat allagartaanni allani atorineqarsinnaavoq, maluginiarluguli pisortani sulisitsisunit allaniit akissarsiat allagartaanni allassimasut allanik taaguuteqarsinnaammata.

Soraarnerussutisiaqarnissamut aaqqissuussinermut pinngitsoorani ilaanissaq

1. januar 2018-imiit Kalaallit Nunaanni soraarnerussutisiaqarnissamut aaqqissuussinermut pinngitsoorani ilaanissaq pillugu inatsit atuutilissaaq. Aaqqissuussinermi tassani innuttaasut tamarmik 18-iniit soraarnerussutisiaqalernissamut ukioqalernissap tungaanut ukioqartut (oktober 2017-imi 66-inik ukioqalereersimasut) Kalaallit Nunaannut tamakkiisumik akileraartussaataasut soraarnerussutisiaqarnissamut aaqqissuussinermut akiliisussaataapput.

Akiliutit tassaapput ukiumut ileqqaagaqarnissamut tunngaviusunit procentip nalinga, ileqqaagaqarnissamut tunngaviusut 100.000 kr.-inik annertunerusutut naatsorsorneqarsimappata. Quppernermi uani soraarnerussutisiaqarnissamut pinngitsoorani ilaanissaq pillugu inatsit ilinnut qanoq isumaqarnerisq, aamma taanna eqqortinniarlugu illit qanoq iliornissannut paasissutissat takusinnaavatit.

Soraarnerussutisiaqarnissamut aaqqissuussinermut pinngitsoorani ilaanissaq pillugu inatsit naapertorlugu soraarnerussutisiaqarnissamut aaqqissuussinermut illit nammineerlutit akiliuteqarneq ajoruvit taava Akileraartarnermut Aqutsisoqarfik akileraartarnermut allagartamik nutaamik atulersitsissaaq akilinngitsuukkallu procentimut akileraarutissamut tapiliussatut qaavatigut akilersinneqassallutik. Soraarnerussutisiaqarnissamut aaqqissuussinermik atorneqarsinnaasumik illit peqarnerit Akileraartarnermut Aqutsisoqarfiup ilisimappagu aaqqissuussinermut tassunga aningaasat akiliutigineqartut nuussavai. Taamatut aaqqissuussinermik Akileraartarnermut Aqutsisoqarfik ilisimasaqanngippat Soraarnerussutisiaqalernissamut Pinngitsoorani ilaanngunnissaq siunertaralugu Akileraartarnermut Aqutsisoqarfik, illit atinnut nutaamik pilersitsissaaq.

Akiligassat nalingi aamma ileqqaarnissamut tunngaviusut

Ileqqaarnissamut tunngavigisanit procenti aalajangersimasoq aallaavigalugu soraarnerussutisiaqarnissamut ileqqaarnernut illit akiliissaatit. Ileqqaarnissamut tunngaviusut tassaapput aningaasarsiat A-t aamma B-t tamarmiusut. Soraarnerussutisiaqarnissamut aaqqissuussinermut sulisitsisut akiliuteqartarpat aningaasat taakku ileqqaarnissamut tunngaviusunut ilanngunneqassapput.

Akissarsialiunerit imaluunniit namminersortutut inuussutissarsiortuunerit apeqqutaatillugu akiligassat nalingi assigiinngitsut arlaat akilissavatit. Akissarsialinnut aamma namminersortutut inuussutissarsiuteqartunut akiligassat nalingi ukiut tamaasa 1 %-imik qaffattassapput.

Taakku saniasigut akiligassat nalingi ileqqaarnissamut tunngaviusut qanoq annertutigineri apeqqutaassapput. Immikkoortut pingasut akornanni immikkoortitsisoqarpoq:

1. 150.000 kr.-inik amerlanerusunilluunniit ileqqaarnissamut tunngavigisat
2. 100.000 kr.-it aamma 150.000 kr.-it akornanni ileqqaarnissamut tunngavigisat
3. 100.000 kr.-inik ikinnerusunilluunniit ileqqaarnissamut tunngavigisat

Ileqqaarnissamut tunngavigisatit 100.000 kr.-iuppata appasinneruppataluunniit soraarnerussutisiaqarnissamut pingitsoorani ilaanissamut piumasaqaammut akiliuteqassanngilatit. Ileqqaarnissamut tunngavigisanut immikkoortunut allanut marlunnut akiligassat nalingi takussutissiami tulliuttumi takusinnaavat.

Ileqqaarnissamut tunngavigisat 150.000 kr.-iuppata anneruppataluunniit ukiumut akiligassat nalingi		
Ukioq	Akissarsialik	Namminersortutut inuussutissarsiuteqartut
2018	4 %	2 %
2019	5 %	3 %
2020	6 %	4 %
2021	7 %	5 %
2022	8 %	6 %
2023	9 %	6 %
2024	10 %	6 %

Ileqqaarnissamut tunngavigisatit 100.000 kr.-it sinnersimappagit kisiannili 150.000 kr.-it inorlugit, soraarnerussutisiaqarnissamut aaqqissuussinermut akiliutissat, ileqqaarnissamut tunngavigisat nalingi tamarmiusut akilissanngilatit. Taarsiulluguli akiliummik, inunnut 100.000 kr.-inik ileqqaarnissamut tunngavigisaqartuniit 0 procentimiik aallartillugu inunnut 150.000 kr.-inik ileqqaarnissamut tunngavigisaqartunut 100 procentip tungaanut assigiimmik annertusiartortinneqartumik akiliissaatit.

Ileqqaarnissamut 125.000 kr.-inik tunngavigisaqartunut naatsorsuinermi assersuut ataani takutinneqarpoq. Maluginiaruk namminersortutut inuussutissarsiortuunersutit imaluunniit inuussutissarsiortuunnginnersutit tunngavigalugu assigiinngissuteqarmata.

Ileqqaarnissamut tunngavigisat 125.000 kr.-iuppata ukiumut akiligassat nalingi		
Ukioq	Akissarsialik	Akiliutit
2018	$4 \% \times (125000 - 100000) / (150000 - 100000) =$	2 %
2019	$5 \% \times (125000 - 100000) / (150000 - 100000) =$	2,5%
2020	$6 \% \times (125000 - 100000) / (150000 - 100000) =$	3 %
2021	$7 \% \times (125000 - 100000) / (150000 - 100000) =$	3,5 %
2022	$8 \% \times (125000 - 100000) / (150000 - 100000) =$	4 %
2023	$9 \% \times (125000 - 100000) / (150000 - 100000) =$	4,5%
2024	$10 \% \times (125000 - 100000) / (150000 - 100000) =$	5 %

Ileqqaarnissamut tunngavigisat 125.000 kr.-iuppata ukiumut akiligassat nalingi		
Ukioq	Namminersortutut inuussutissarsiuteqartut	Akiliutit
2018	$2 \% \times (125000 - 100000) / (150000 - 100000) =$	1 %
2019	$3 \% \times (125000 - 100000) / (150000 - 100000) =$	1,5%
2020	$4 \% \times (125000 - 100000) / (150000 - 100000) =$	2 %
2021	$5 \% \times (125000 - 100000) / (150000 - 100000) =$	2,5%
2022	$6 \% \times (125000 - 100000) / (150000 - 100000) =$	3 %

Akissarsianit isertitanik aamma namminersortutut inuussutissarsiortuluni ingerlataqarnermit sinneqartoorutiniq ileqqaarnissamut tunngavigineqarpata akiligassat nalingi.

Ileqqaarnissamut tunngavigisatit 100.000 kr.-it sinnersimappagit taakkulu akissarsiatut isertitaallutillu nammineq suliffiutigisamit akileraaruteqaataasussatut sinneqartoorutaappata, akiliutigisassat tamaasa immikkoortillugit akiliutigissavatit. Tassa imaappoq:

- Akissarsialittut/nammineq isertitaqartunut ileqqaarnissamut tunngavigisat ilai akissarsialittut isertitanut akiligassat nalingi.
- Namminersortutut ingerlataqarnermiit ileqqaarnissamut tunngavigisat ilai nammineq ingerlataqarnermiit sinneqartoorutiniit akileraaruteqaataasussanit akiligassat nalingi.

Isertitat ileqqaarnissamut tunngavigisanut ilaanngitsut

Ileqqaarnissamut tunngavigisat naatsorsornerini pisartakkat arlallit ilaatinneqanngillat. Ileqqaarnissamut tunngavigisat naatsorsornerini pisartakkat ataani taaneqartut ilaatinneqanngillat:

- 1) Namminersornerullutik Oqartussani aamma kommunini Kalaallit Nunaanni tjenestemandit pillugit inatsisartut inatsisaat,
- 2) Inatsisartut suliffeqarfiini tjenestemandit atorfinititat pillugit inatsisartut inatsisaat,
- 3) Kalaallit Nunaanni naalagaaffimmi tjenestemandit pillugit inatsit,
- 4) Innunut annertuumik innarluutilinnut ikiorsiisarneq pillugu Inatsisartut peqqussutaat,
- 5) Meeqqanut tapiissutit pillugu Inatsisartut inatsisaat,
- 6) Meeqqanut inuusuttunullu ikiorsiisarneq pillugu Inatsisartut peqqussutaat,
- 7) Pisortat ikiorsiissutaat pillugit Inatsisartut peqqussutaat,
- 8) Utoqqalinersiutit pillugit Inatsisartut inatsisaat,
- 9) Siusinaartumik pensionisiaqartut pillugit Inatsisartut inatsisaat,
- 10) Inissiani attartortitanik ineqarnermut tapiissutit pillugit Inatsisartut inatsisaat, aamma
- 11) Ilinniagaqarnersiutit pillugit Inatsisartut inatsisaat.

Ileqqaarnissamut tunngavigisat naatsorsornerini aamma uku ilaatinneqanngillat:

- 1) akilersuutit, inuup angajoqqaavisa imaluunniit pisortat pisussaaffigisaat, aamma
- 2) utoqqalinersiutit pillugit Inatsisartut inatsisaannut ilaanngitsut pensionitigut pisartakkat allat.

Tassa imaappoq, assersuutigalugu ileqqaarnissamut tunngavigisamut akilersuutit makku

ilaatinneqassanngillat: Tjenestemandit, siusinaartumik aamma utoqqalinermi utoqqalinersiutit,

ilinniagaqarnersiutit, meeqqanut tapiissutit, ineqarnermut tapiissutit, pisortat ikiorsiissutaat aamma meeqqanut inuusuttunullu ikiorsiissutit aamma annertuumik innarluutillit aningaasartuuteqarnerinut matussutissat tapiissutit.

Assersuutit tamakkiisuunngillat.

Pinngitsoorani soraarnerussutisiaqarneq

Soraarnerussutisiaqarnissamut aqqissuussinermik pilersitsinermi soraarnerussutisiaqartitsisartuniit nalinginnaasumik siunnersorneqassaait taamaalilluni soraarnerussutisiaqarnissamut aqqissuussinerit illit ilaqtavillu pisariaqartitassinnut "naleqqussarneqartarlutik". Tamanna isumaqarpoq soraarnerussutisiaqarnissamut aqqissuussinermi sillimmasiinerit assigiinngitsut, pissutsini assigiinngitsuni illit ilaqtannullu isumannaarisut ilanngunneqarsinnaasarlutik.

Pinngitsoorani soraarnerussutisiaqartitsineq qulaani taaneqartutuut naleqqussagaangilaq. Taarsiulluguli nalinginnaasumik aqqissuussineruvoq makkuninngalu imaqarluni:

- Inuuneq tamaat sillimmasiisarfikkut ukiumut pisartakkat
- Qularnaveeqqusiinermi immikkoortitat
- Ukiuni qulini qularnaveeqqusiineq

Pinngitsoorani soraarnerussutisiaqarnermi piffissami sillimmasiinermit sillimmasiisup utoqqalinersiuteqalernissaata tungaanut inuuneq tamaat sillimmasiisarfikkut ukiumut pisartagaqalernissamut ileqqaartoqassaaq. Inuuneq tamaat sillimmasiisarfikkut ukiumut pisartakkat inuugallartilluni pisartagaapput. Tamanna isumaqarpoq piffissaq soraarninngornissaq sioqqullugu sillimmasiisimasoq toqkkut qimaguppat taava pisartagassat atorunnaassapput "ileqqaakkallu" peerullutik. Tamanna pinngitsoortinniarlugu Qularnaveeqqummik immikkut aamma sillimmasiisoqassaaq. Qularnaveeqqummik sillimmasiineq tassaavoq toqunissamut sillimmat, piffissami ileqqaarfiusumi pisiarinqartartoq, taamaalilluni sillimmasiinermi katersat (nalingattut) annertutigisunik toqunissamut tamatigit matussusiissutassallutik. Taamaalilluni piffissami ileqqaarfiusumi sillimmasiisoq toquppat tamatigit sillimmasiinermi matussutaasussat tiguneqartussaassallutik. Tiguneqartussat sillimmasiisup ileqqaagaasa nalingattut annertutigissapput. Tiguneqartut akileraaruteqaataassapput.

Sillimmasiisimasoq utoqqalinersiuteqalertussatut ukioqalerpata Inuuneq tamaat sillimmatinik qaammatikkaartumik pisartagaqalissaaq. Soraarnerussutisianik tigusisarnerup aallartinerrata kingorna ukiut qulit qaangiutsinnagit sillimmasiisimasoq toquppat qularnaveeqqusiisimanerup qulakkiissavaa soraarnerussutisianut piffissaliussamiit ukiuni qulini qularnaveeqqusiisimanerup ingerlanerata naanissaata tungaanut sillimmasiisimasup qimataanut tigusaqartarnerit ingerlaannassasut. Tamatuma kingorna tigusisarnerit unissapput. Piffissap qularnaveeqqusiiffiusup naanerata kingorna sillimmasiisimasoq toquppat tigusartakkat sillimmasiisimasup toqunerani unitsinneqassapput.

Soraarnerussutisiaqarnissamut aaqqissuussineq, illit nammineerlutit soraarnerussutisiaqarnissamut neqerooruteqartumi pilersitat, pisariaqartitannut naapertuuttumik naleqqussarsinnaavat. Taamaattumik Pinngitsoorani soraarnerussutisiaqarnermut taarsiullugu soraarnerussutisiatigut aaqqissuussinermik, illit nammineq pilersitsiguit allanik imaluunniit amerlanerusunik iluaqutissartalinnik pissarsisinnaavutit.

Kalaallit Nunaata aamma Danmarkip akornanni marloriaammik akileraartitsinissaq pinngitsoorniarlugu isumaqatigiissut

Marloriaammik akileraartitsinissaq pinngitsoorniarlugu Kalaallit Nunaata aamma Danmarkip akornanni isumaqatigiissuteqarpoq.

Marloriaammik akileraartitsinissaq pinngitsoorniarlugu isumaqatigiissut isumaqatigiissutigineqarpoq innuttaasut pisuussutiminnik aningaasarsiaminnillu marloriaammik akileraartinneqarnissaat pinngitsoortinniarlugu. Marloriaammik akileraartitsinissaq pinngitsoorniarlugu isumaqatigiissut aamma soraarnerussutisiaqarnissamut aqqissuussannut sunniuteqarpoq.

Marloriaammik akileraartitsinissaq pinngitsoorniarlugu isumaqatigiissut isumaqarpoq soraarnerussutisiaqarnissamut akiliutivit akileraaruserneqarneri assigiinngitsutigut nunani taakkunani marlunni akilerneqartussaasut, tassani apeqqutaatillugu Danmarkimi aamma Kalaallit Nunaanni najugaqarlutillu suliffeqarsimanersutit aamma piffissani qanoq sivilisutisuni. Marloriaammik akileraartitsinissaq pinngitsoortinniarlugu isumaqatigiissut ilinnut aamma soraarnerussutisiaqarnissannut qanoq isumaqarnerisoq ataaniittumi atuarsinnaavat, apeqqutaalluni Danmarkimi imaluunniit Kalaallit Nunaanni soraarninngornersutit, aamma nunani taakkunani marlunni imaluunniit nunap aappaannaani soraarnerussutisiaqarnissamut aqqissuussinermut ileqqaagaqarsimanersutit.

Danmarkimi soraarninngorsimavutit kisiannili soraarnerussutisiassavit ilai Kalaallit Nunaanni ileqqaarsimallugit

Kalaallit Nunaanni aningaasarsiannik soraarnerussutisiaqarnissamut aqqissuussinermut akiliutitit Kalaallit Nunaanni ilanngaateqaatigalugillu sulisitsisup akiliutaanik ilanngaateqartarsimaguit, taava soraarnerussutisiavit tigusavit ilai, Kalaallit Nunaanni ilanngaateqarfigisimasatit imaluunniit sulisitsisup akiliutaanik ilanngaateqarfigisimasatit, taakku akileraarutaat Kalaallit Nunaannut akilerneqassapput.

Soraarnerussutisiavit sinneri Danmarkimi ilanngaateqarlutillu sulisitsisup akiliutai ilanngaateqaatigisimagukkit imaluunniit Danmarkimi aningaasarsiaqarlutit ileqqaarsimagukkit, taava soraarnerussutisiavit tigusavit ilai, Danmarkimi ilanngaateqarfigisimasatit sulisitsisullu akiliutai ilanngaatigisimasappit akileraarutaat Danmarkimut akilerneqassapput.

Kalaallit Nunaanni soraarninngorsimaguit, kisiannili soraarnerussutisiavit ilai Danmarkimi ileqqaarsimallugit

Danmarkimi aningaasarsiaqarnerniit Danmarkimi ilanngaateqarlutillu sulisitsisup akiliutaanik ilanngaateqarsimaguit soraarnerussutisiaqarnissamut aqqissuussinermut akiliisimaguit, taava soraarnerussutisiavit tigusavit ilai, Danmarkimi ilanngaateqarfigisimasappit akileraarutaat Danmarkimut akilerneqassapput.

Kalaallit Nunaanni aningaasarsiaqarlutit kalaallit nunaanni ilanngaateqarlutit soraarnerussutisiaqarnissamut aaqqissuussinernut akiliisarsimaguit, taava soraarnerussutisiavit tigusavit ilai, Kalaallit Nunaanni ilanngaateqarfigisimasatit sulisitsisullu akiliutaanik ilanngaateqarfigisimasatit, Kalaallit Nunaannut akileraarutitut akilerneqassapput.

Danmarkimi soraarninngorsimavutit, kisiannili soraarnerussutisiatit tamaasa Kalaallit Nunaanni ileqqaarsimallugit

Soraarnerussutisiatit tamaasa Kalaallit Nunaanni ileqqaarsimagukkit Kalaallit Nunaannilu ilanngaateqarlutillu sulisitsisup akiliutaanik ilanngaateqarsimaguit, tunngaviatigut soraarnerussutisiavit tigusavit akileraarutaat taamaallaat Kalaallit Nunaannut akilissavatit.

Kalaallit Nunaanni soraarninngorsimavutit, kisiannili soraarnerussutisiatit tamaasa Danmarkimi ileqqaarsimallugit

Soraarnerussutisiatit tamaasa Danmarkimi ileqqaarsimagukkit Danmarkimilu ilanngaateqarlutillu sulisitsisup akiliutaanik ilanngaateqarsimaguit, tunngaviatigut soraarnerussutisiavit tigusavit akileraarutaat taamaallaat Danmarkimut akilissavatit.

Aningaasat akileraaruserneqarsimasut atorlugit soraarnerussutisianut akiliinerit immikkut pillugit

Kalaallit Nunaannut nuussimaguit Danmarkimilu ilanngaateqanngitsunik sulisitsisullu akiliutaanik ilanngaateqanngitsunik soraarnerussutisiassannut akiliisarnerniit soraarnerussutisianik tigusaqartaruit (tassa imaappoq: aningaasanit akileraaruserneqareersimasunit akilerneqarsimasut) soraarnerussutisianit tigusatit Kalaallit Nunaanni akileraaruteqaataassanngillat.

Apeqqutit apeqqutigineqakulasut

Kalaallit Nunaata avataani soraarnerussutisiaqarnissamut aaqqissuussinernut siuartitamik akileraaruserneqarsimasunut apeqqutit apeqqutigineqakulasut

Akissarsiat annikinnerusut tigussavakka?

Akileraarut soraarnerussutisiaqarnissamut akiliutigisannit tamarmiusuniit ilanngaatigineqassaaq. Tassa imaappoq soraarnerussutisiaqarnissamut nammineq akiliutitit aamma sulisitsisuit soraarnerussutisiaqarnissamut illit soraarnerussutisiassannut akiliutigisimasai.

Siuartitamik akileraarusiineq taamaalilluni taamaallaat soraarnerussutisiaqarnissamut akiliutinnut tunngasuuvooq. Akissarsiat tigusatit taamaattumik allanngussanngillat, kisiannili soraarnerussutisiaqarnissamut akiliutitit annikinnerulissapput. Tamannali isumaqanngilaq soraarnerussutisianit tigusatit ikinnerulissasut, takussutissiaq ataaniittoq takujuk.

Assersuut 42 %-imik akileraarutissat ilanngaatiginerat	Soraarnerussutisia- qarnissamut akiliineq qaammammut	Soraarnerussutisia- nissamut akiliineq Ukiumut	Ukiut 30-it kingorna Soraarnerussutisia- qarnissamut akiliineq	Ukiut 30-it kingorna soraarnerussutisiat tigusat, akileraarutillu akilereerlugit
01.01.2017 sioqqullugu	Kr. 3.000	Kr. 36.000	Kr. 1.080.000	Kr. 626.400
01.01.2017 kingorna	Kr. 1.740	Kr. 20.880	Kr. 626.400	Kr. 626.400

Siuartitamik akileraartarnerup eqqunneqarnerata siornaneersut soraarnerussutisianut Kalaallit Nunaata avataaneersunut akiliutit tigusisarnerillu qanoq pineqassappat?

Januaarip aallaqqaataa 2017 sioqqullugu soraarnerussutisiaqarnissamut aaqqissuussinernut Kalaallit Nunaata avataaniittunut akiliutinnut inatsisip allannguutaa sunniuteqassanngilaq. Tamanna atuuppoq Kalaallit Nunaanniitillutit imaluunniit nunani allaniitillutit akiliisimanerit apeqqutaatinnagu.

Kalaallit Nunaata avataani soraarnerussutisiaqarnissamut maannakkut aaqqissuussanni qanoq pisoqassava?

Soraarnerussutisiaqarnissamut ilinnut neqerooruteqartoq siuartitamik akileraartarnermut qanoq atugassaqartitsisinaanera allanngorarsinnaavoq.

Naatsorsuutigineqarpoq Kalaallit Nunaata avataani soraarnerussutisiaqarnissamut neqerooruteqartut arlalit maannakkut aaqqissuussat unitsissagaat aamma 1. januar 2017-ip kingorna akiliutinut soraarnerussutisiaqarnissamut aaqqissuussinernik nutaanik pilersitsissasut.

Taamaattumik ilimanarpoq siunissami soraarnerussutisianik neqeroortunni assersuutigalugu soraarnerussutisiaqarnissamut isumaqatigiissutinik marlunnik peqalissasutit.

Tassa imaappoq:

- *Soraarnerussutisiaqarnissamut aaqqissuussineq ulloq 31. decemberip 2016-ip tungaanut akiliutigisimasannik aningaasanik imaqartoq. Aaqqissuussineq taanna qularnanngitsumik unitsinneqassaaq.*
- *1. januar 2017-imiit soraarnerussutisiaqarnissamut aaqqissuussineq nutaaq, aningaasanik akileraaruteqaataareersunik akiliffiusoq.*

Soraarnerussutisiassannik neqeroortuvit periuseq qulaani allassimasoq malissappagu soraarnerussutisiaqarnissamut aaqqissuussinernit marlunniit tigusaqartassatit.

Tassa imaappoq

- *Soraarnerussutisiat tigusartakkat, piffissami akilernerqarnerminni akileraaruserneqartut, tiguneqarnerini Kalaallit Nunaanni akileraaruteqaataassanngillat.*
- *Soraarnerussutisiat tigusartakkat, piffissami akilernerqarnerminni akileraaruserneqanngitsut, tiguneqarnerini Kalaallit Nunaanni akileraaruteqaataassapput.*

Inatsisip allanngornera pillugu maannakkut soraarnerussutisiaqarnissamut aaqqissuussannut qanoq sunniuteqassanersoq, soraarnerussutisiatigut neqeroortunnut atassuteqassasutit Akileraartarnermut Aqutsisoqarfiup kaammattuutigaa.

Sillimasiisimanerit, soraarnerussutisiaqarnissamut aaqqissuussinernut atasut tiguneqarnerini akileraaruteqaataassanngillat?

Aap, tunngaviatigut. Sillimasiinerit amerlanerit, akileraaruteqaataareersunik

soraarnerussutisiaqarnissamut aaqqissuussinernut tamarmiusunut ilaasut, tiguneqarnerini tunngaviusumik akileraaruteqaataassanngillat. Akiliininni ilanngaateqarsimannginnerit-/sulisitsisullu akiliutaanik

ilanngaateqarsimanginnerit uppersarsinnaassavat. Kalaallit Nunaata marloriaammik akileraartitsinissaq pinngitsoortinniarlugu nunani isumaqatigiissuteqarfiginngisaani, soraarnerussutisiaqarnissamut aaqqissuussinermut akiliisaruit malittarisassat allat atuussinnaapput, taamaattumik kaammattuutigineqarpoq nunami pineqartumi akileraartarnikkut malittarisassat misissussagitit.

Soraarnerussutisiaqarnissamut aaqqissuussinermut pinngitsoorani ilaanissamut apeqquutit apeqquutigineqakulasut

Sooruna soraarnerussutisiaqarnissamut aaqqissuussinermik peqartariaqartunga?

Aaqqissuussineq Kalaallit Nunaanni innuttaasut soraarninngorpata inuunermi atugaat pitsaanerusut qulakkeerniarlugit eqqunneqarpoq.

Soraarnerussutisiaqarnissamut aaqqissuussineq inuunerup ingerlanerani sapinngisamik annertunerpaamik atuinikkut inuit ataasiakkaat assigiinnerusumik atugaqarsinnaanerannut peqataassaaq taamaalillunilu siunissami soraarninngortussap inuunermi atugai pitsaanerulersissallugit peqatigisaanillu siunissami pisortat aningaasaqarnikkut ingerlatsinerat patajaatsoq peqataaffigissallugu.

Soraarnerussutisiaqarnissamut aaqqissuussinermut akilersuiuaannassaanga?

Aap, soraarninngortutut ukioqalernissavit tungaanut akilersuissaatit (oktober 2017-imi soraarninngortut ukiui tassaapput 66-it).

Taamaattorli soraarnerussutisiaqarnissamut aaqqissuussinermut Akileraartarnermut Aqutsisoqarfiup pilersitaanut akiliisarnerit ingerlatiinnassagit piunasaqaataaangilaq. Soraarnerussutisiaanik neqerooruteqartartumi allani namminerisannik soraarnerussutisiaqarnissamut aaqqissuussannik tamatigit pilersitsinissannut periarfissaqarputit. Taamaattorli aaqqissuussinerup ingerlatseqatigiiffiullu inissiffigisaata inatsimmi piunasaqaataasut naammasissallugit.

Sumut akiliissanerlutit nammineq aalajangissavat. Taamaattorli soraarnerussutisiaqarnissamut aaqqissuussinerit pensionskarsimi, sillimmasiisarfimmi imaluunniit inuuneq tamaat imaluunniit pensionsforsikringselskabimi, sillimmasiisarnermik ingerlatsinissamut Finanstilsynimiit akuerisaasumi inissisimassalluni. Taanna Kalaallit Nunaata avataani inissisimasinnaavoq. Soraarnerussutisiatigit aaqqissuussinerit aningaaserivimmi aamma inissisimasinnaavoq, aningaaserivik Kalaallit Nunaanni aalajangersimasumik inissisimappat imaluunniit aalajangersimasumik tassani ingerlatsiveqarpat.

Tjenestemandit soraarnerussutisiaat aamma soraarnerussutisiaqarnissamut aaqqissuussinermut pinngitsoorani ilaanissaq pillugu malittarisassanut ilaappat?

Tjenestemandit soraarnerussutisiaannik peqareeruit soraarnerussutisiaqarnissamut aaqqissuussinermut pinngitsoorani ilaanissaq pillugu piunasaqaammut ilaanngilatit. Tjenestemandit soraarnerussutisiaannit tigusaqartalereersimaguit tigusartakkatit aamma soraarnerussutisiaqarnissamut aaqqissuussinermut pinngitsoorani ilaanissamut ileqqaarnissamut tunngavigisat naatsorsornerannut akiliutit ilaassanngillat. Maluginiassavalli soraarnerussutisiaqarnissamut aaqqissuussinermut akiliuteqarnissamut pisussaaffeqaravit, illit:

- *Suli sulisuuguit, taamaalillutillu 100.000 kr.-it sinnerlugit allatigut isertitaqaruit.*
- *Imaluunniit 100.000 kr.-it sinnerlugit sinneqartoorfiusumik akileraaruteqaataasussanik namminersortutut suliffiuteqaruit.*

Soraarnerussutisiaqarnissamut aaqqissuussinermut akilersuisareeruma soraarnerussutisiaqarnissamut aaqqissuussinermut nutaatut pilersitsinissaq pillugu piumasaqaammut ilaavunga?

Soraarnerussutisiaqarnissamut aaqqissuussineq pillugu inatsit neqerooruteqartumi aalajangersimasumi soraarnerussutisiaqarnissamut aaqqissuussinermik nutaamik pilersitsinissamut pisussaaffiliinngilaq. Maannakkut soraarnerussutisiaqarnissamut aaqqissuussinernut akiliuteqartarnerit allanngortinnagu taamaattumik ingerlaannarsinnaavutit. Taamaattorli maluginiassavat maannakkut soraarnerussutisiaqarnissamut aaqqissuussinernut akiliisarnitit inatsimmi akiliutigineqartussat nalinginut naammassinnissammata.

Kalaallit Nunaata avataani soraarnerussutisiaqarnissamut aaqqissuussinermut akiliuteqartaruma soraarnerussutisiaqarnissamut aaqqissuussinermut pinngitsoorani ilaanissaq pillugu piumasaqaatit naammassisinnaavakka?

Aap, soraarnerussutisiaqarnissamut aaqqissuussinerit, sillimmasiisarnermik ingerlatsivimmik ingerlatsinissamut Finanstilsynimit akuerisaasumi pensionskarsimi imaluunniit inuuneq tamaat aamma/imaluunniit pensionsforsikringsselskabimi inissisimappat, taamatut aaqqissuussinermut akiliuteqarnermi inatsimmi piumasaqaatit naammassissavatit.

Akerlianilli aaqqissuussineq aningaaserivimmi Kalaallit Nunaata avataani inissisimappat soraarnerussutisiaqarnissamut aaqqissuussinermut akiliisinnaanngilatit.

Ilanngaatit qanoq paasineqassappat, aamma taamatut ilanngaateqarsinnaavunga?

Soraarnerussutisiaqarnissamut aaqqissuussinermut Kalaallit Nunaanni inissisimasumut akiliisaruit amerlanertigut soraarnerussutisiaqarnissamut akiliutinnit ilanngaateqarsinnaatitaallutillu sulisitsisup akiliutai ilanngaatigisinnaavatit.

Soraarnerussutisiaqarnissamut aaqqissuussinerni nammineq inuttut pilersissimasanni, akileraartussaanningineq tassaavoq akiliutigisimasannik ilanngaateqarsinnaatitaagavit. Tamanna isumaqarpoq, aningaasarsiatit akileraaruteqaataasussat naatsorsulerukkit akiliutigisimasatit ilanngaatigisinnaagakkit. Maluginiassavat akiliutigisimasannut taakkununga ilanngaat akileraaruteqaataasussanit ilanngaataammat taakkulu akileraaruteqaataasussanit ilanngaatitit allat ilanngullugit nalilissavat ilanngaat aalajangersimasoq imaluunniit akileraaruteqaataasussanit ilanngaatit tamarmiusut nalingat arlaat atorniarnelugu.

Soraarnerussutisiaqarnissamut aaqqissuussinerni, atorfeqarnermut atatillugu pilersinneqarsimasuni akileraartussaanningineq tassaavoq sulisitsisup akiliutaa akileraaruteqaataassanngimmat. Tamanna

isumaqarpoq aningaasarsiatit akileraaruteqaataasussat naatsorsorneqarneranni akiliutigisimasat ilanngutissanngikkikit. Tassani soraarnerussutisiaqarnissamut aaqqissuussinermut sulisitsisup akiliutai illillu nammineq akiliutitit pineqarput.

Akileraartarnermut Aqutsisoqarfiup Pinngitsoorani Soraarnerussutisiassanik uannut pilersitsinissaa sioqqullugu aningaasat amigaataasut nammineq akilernissaannut periarfissaqarpunga?

Aap, periarfissaqarputit. 2019-imiit ukiumi aningaasarsiorfiusumi qaangiuttumi soraarnerussutisiaqarnissamut akiliutinik ukiut tamaasa ulloq 31. august nallertinnagu Akileraartarnermut Aqutsisoqarfik naatsorsuisassaaq. Tamatuma kingorna aningaasat amigaatigineqartut ilinnit akileqquneqassapput. Nikingassutaasoq sapaatit akunneri sisamat iluanni akilereersimassavatit.

Akiliuteqartarnissamut piumasaqaatit eqqortinngikkukkit procenti akileraarutissaq qanoq annertutigisumik qaffanneqassava?

Procenti akileraarutissaq ukiumi qaffaaffiusumi akiligassat nalinginut atuuttunut naapertuuttunngorlugu procenti qaffanneqassaaq. Tassa imaappoq procenti akileraarutissaq, assersuutigalugu 2019-imi akissarsialimmut 5 %-imik aamma 2020-imi 6 %-imik qaffanneqarsinnaavoq, 2018-imi akissarsiaqartoq soraarnerussutisiaqarnissamut aaqqissuussinermik pilersitsisimangippat, imaluunniit 2018-imut atuuttumik akiliutissap nalingatut qaffasitsigisumik akiliisarsimangippat.

Namminersortutut inuussutissarsiortunut atuuttoq tassaavoq procenti akileraarutissaq 2019-imi 3 %-imik aamma 2020-mi 4 %-imik qaffanneqarsinnaammat. Namminersortutut inuussutissarsiuteqartunut 2022-ip tungaanut aamma akissarsiaqartunut/inuinnarnut 2024-ip tungaanut ukiuni tamani akiliutissat nalingi 1 %-imik qaffanneqartartussaammata, soraarnerussutisiaqarnissamut aaqqissuussinermik illit sulii pilersitsisimangikkuit aamma naammattunik akiliisarsimangikkuit procenti akileraarutissaq ukiuni tulluuttuni sulii qaffaqqinneqartassaaq. Soraarnerussutisiaqarnissamut aaqqissuussinermut akiliisimangikkuit illit akileraarutissappit procentiata annertuumik qaffanneqarneranik taamaattumik kinguneqarsinnaavoq.

Taavami Kalaallit Nunaat qimallugu nuukkuma?

Kalaallit Nunaat qimallugu nuukkuit, aamma Kalaallit Nunaannut tamakkiisumik akileraartussaajunnaaruit, taava soraarnerussutisiaqarnissamut aaqqissuussinermut pinngitsoorani ilaanissaq pillugu inatsimmut ilaajunnaassaatit. Soraarnerussutisiaqarnissamut aaqqissuussinermut akiliisarnissat pillugu piumasaqaat taamaalilluni atuukkunnaassaaq.

Nuunnissat tikillugu akiliutigisimasatit, soraarnerussutissavut tungaanut uninngatiinnarsinnaavatit. Aamma soraarnerussutisiaqarnissamut neqerooteqartunut allanut nuussinnaavatit.

Aaqqissuussinerit Kalaallit Nunaanniit nuunneqarnissaa toqqassagukku maluginiassavat Kalaallit Nunaanni akitsuummik akiliissagavit. Akitsuut tassaavoq 55 %. Aaqqissuussinerpit nuutsinnissaa sioqqullugu nunami nuuffigisanni akileraartarnermi malittarisassat aamma misissortariaqarpatit.

Kalaallit Nunaat qimallugu nuunnermi nunami nuuffigisanni akileraartarnermi malittarisassat ilisimasariaqarpatit. Kalaallit Nunaat nunanik allanik arlalinnik marloriaammik akileraartitsinissaq pinngitsoorniarlugu isumaqatigiissuteqarpoq.

Danmarkimut nuunnermi, marloriaammik akileraartitsinissaq pinngitsoorniarlugu Kalaallit Nunaata Danmarkimik isumaqatigiissuteqarnera pillugu immikkoortoq takujuk.